



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

14381

347

4-21

1873

ԿԱՆՈՆԱԳԻՐ
Կ Տ Ա Կ Ա Ց

ՎԱԻԵՐՈՑԵԱԼ

Ի ԿՐԹՆԱԿԱՆ ԵՒ ՔԱՂԱՔԱԿԱՆ

ԽԱՌՆ ԺՈՂՈՎՈՅ

ԿԵԴՐՈՆԱԿԱՆ ՎԱՐՉՈՒԹԵԱՆ



ԿՈՍՏԱՆԳՆՈՒՊՈԼԻՍ

ԹԻՆ ՑՈՂԱՔՈՅ ԳԱՎԱՅՆԱՆ ԵՒ ԸՆԳՊԱՐՈՆԵԱՆ

Printed in Turkey

347
4.21

1632

2010

10

2001

ԿԱՆՈՆԱԳԻՐ

Կ Տ Ա Կ Ա Ց

397
4-21
40

ԿԱՆՈՆԱԳԻՐ Կ Տ Ա Կ Ա Ց



ՎԱԻԵՐԱՅԵԱԼ

Ի ԿՐՕՆԱԿԱՆ ԵՒ ՔԱՂԱՔԱԿԱՆ

ԽԱՌՆ ԺՈՂՈՎՈՑ

ԿԵԴՐՈՆԱԿԱՆ ՎԱՐՉՈՒԹԵԱՆ

Printed in Turkey



ԿՈՍՏԱՆԴՆՈՒՊՈԼԻՍ

ՑՊԱԳՐՈՒԹԻՒՆ ՑՈՎՍԵՓԱՅ ԳԱՎԱՅԵԱՆ ԵՒ ԸՆԿ. ՊԱՐՈՆԵԱՆ

— 1873 —

23141

Ա Ձ Դ

Կեդրոնական Վարչութեան Կրօնական
 և Քաղաքական Խառն Ժողովը՝ Կտակաց
 Հոգաբարձութեան և Տնտեսական Խորհրդոյ
 կարծիքն առնելէ ետքը՝ պատրաստեց
 և վաւերացուց սոյն Կտակաց Կանոնագիրը,
 և տպագրութեամբ կը հրատարակէ,
 հրաւիրելով մայրաքաղաքիս Թաղական
 Խորհուրդները և Գաւառական Վարչութիւնները,
 որ ըստ այսմ կտակաց գործադրութիւնն
 ընելով, փորձառութեամբ ունեցած
 դիտողութիւննին բարեհաճին տեղեկագրել
 առ Կտակաց Հոգաբարձութիւնն
 Կեդրոնական Վարչութեան. որ պէս զի
 սոյն Կանոնագիրը վերաքննուելով
 մատուցուի Ազգային Ընդհանուր Ժողովոյ
 ՚ի վաւերացումն:

24 Մայիս 1873
 Ի Պատրիարքարանի Հայոց
 Ի Կ. Պոլիս

Ն Ա Խ Ա Գ Ա Հ
 ԱԶԳԱՅԻՆ ԿԵԴՐՈՆԱԿԱՆ ՎԱՐՉՈՒԹԵԱՆ
 ՊԱՏՐԻԱՐԿ Կ. ՊՕՂՍՈՅ
 ՄԿՐՏԻՉ ԱՐՔԵՊԻՍԿՈՊՈՍ ԽՐԻՄԵԱՆ

Դիւան Կրօնական Ժողովոյ
 ԱՏԵՆԱՂԵՏ ԱՏԵՆԱՂԵՏ
 Մ. Վ. ԻԶՄԻՐԼԵԱՆ ԹԱԴԷՈՍ ԵՊԻՍԿՈՊՈՍ

Դիւան Քաղաքական Ժողովոյ
 ԱՏԵՆԱՂԵՏ ԱՏԵՆԱՂԵՏ
 Ս. Պ. Պ. ԲԱՓԱԶԵԱՆՅ ՍԵՆԵՔԵՐԻՄ Մ. ՄԱՆՈՒԿԵԱՆ



2679
 39

ԿԱՆՈՆԱԳԻՐ

Կ Տ Ա Կ Ա Ց



1. Կտակարար անձը պէտք է որ իր կտակագիրն ըստորագրէ . և խոստովանահայր քահանային և քարոզչին կամ աւագերէցին և երկու աշխարհականաց վկայութեամբն ալ թէ իր ստորագրութիւնը և թէ՛ կտակագրին պարունակութիւնը հաստատել տայ . և սպա կտակագիրը կը ներկայացուի Ազգային Վարչութեան ՚ի վաւերացումն :

2. Կեդրոնական Վարչութիւնը կը քննէ կտակագիր մը , եթէ կտակարարը Կ. Պօլսոյ մէջ կը բնակի . և Ս. Պատրիարքն ալ նոյն կտակագիրը կը վաւերացնէ :

3. Սոյն վաւերացեալ կտակագիրը գոնէ երեք օրինակ պիտի ըլլայ . մէկը կտակարարին պիտի յանձնուի , որ պիտի կարգացուի անոր բնակած տեղւոյն եկեղեցւոյն մէջ . մէկը կտակընկալ ազգային հաստատութեան (եկեղեցւոյ , վանուց , վարժարանի , հիւանդանոցի , աղքատարանի , կամ քանակաւոր անձանց) օգտին կը յանձնուի . և մէկը կտակագրին կը վերադարձուի :

տաց , որբոց , քահանայից , դպրաց և ազգօգուտ ընկե-
րութեան և ըն) , որ եթէ ուրիշ թաղի մէջ է , անոր ե-
կեղեցւոյն մէջ ալ պիտի կարդացուի . և մէկն ալ Վեդր-
Վարչութեան Գիւանատուներ պիտի պահուի , և օրինակն
ալ լրագրաց միջոցաւ պիտի հրատարակուի :

Կտակագրին ընթերցումը և հրատարակութիւնը այն
ատեն չըլլար , երբ կտակարարը չի կամիր :

4. Երբ կտակարարը գաւառի մէջ կը բնակի , կտա-
կագիրը նոյն գաւառի Ազգային Վարչութեանէն կը բռն-
նուի . և նոյն գաւառի Առաջնորդը կը վաւերացնէ զայն .
և մէկ օրինակն ալ Վեդր- Վարչութեան Գիւանատուներ
կը դրկուի , և անկէ ալ հրատարակութեան կը տրուի :

5. Եթէ կտակարար մը իր կտակագիրը միայն իր ըս-
տորագրութեամբը հաստատած է , և քահանայի կամ այ-
լոց աշխարհականաց վկայութեամբ Ազգային Վարչու-
թեան վաւերացնել տարու ժամանակ չէ ունեցած կամ
չէ կրցած և վախճանած է . երբ կտակագրին ստորագ-
րութիւնը բուն տիրոջն ըլլալը վկայուի և հաստատուի ,
Ազգային Վարչութիւնը զայն կտակագիրը կը վաւերա-
ցընէ , և ըստ այնմ գործադրել կու տայ :

6. Եթէ կտակարար մը բնաւ ժամանակ չէ ունեցեր
կամ չէ կրցեր իր կտակագիրը շինել և ստորագրել , այլ
միայն եկեղեցական կամ աշխարհական տրժանահաւատ
անձանց ներկայութեան իր վերջին կամբը յայտնել է .
այն ատեն նոյն անձանց (որք շահ կամ մաս մ'ունենա-
լու չեն կտակէն) վկայութեանը համեմատ կտակագիր
կը պատրաստուի , և վկայից ստորագրութեամբը հաս-

տատուելէն ետքը՝ Ազգային Վարչութիւնն ալ զայն կը
վաւերացնէ . և ըստ այնմ գործադրել կու տայ :

7. Կտակարարը կտակեալ դրամ և այլ շարժական ըս-
տացուածք կտակընկալ հաստատութեան կրնայ յանձնել
ի կենդանութեան իւրում . և կամ յետ մահուան իւրոյ
յանձնել կ'որոշէ . բայց այն ատեն կտակարարին կրնն
ու ժառանգորդք իրենց ստորագրութեամբը պիտի հաս-
տատեն կտակագիրը . կամ թէոր ասոնք դժկամակին , ու-
րիշ ապահովութեան օրինական միջոց պէտք է որ գոր-
ծածէ թէ՛ կտակարարը և թէ՛ Ազգային Վարչութիւնը :

8. Կտակեալ տուն և այլ անշարժ ստացուածք կտա-
կարարն 'ի կենդանութեան իւրում պարտի ուղղակի
կտակընկալ հաստատութեան անուանը դարձնել . կամ ա-
նոր անուանը վրայ ըլլալն ապահովցնել ըստ օրինի . որուն
փոխարէն ինք ալ Պատրիարքական կամ Առաջնորդական
կնքովք վաւերացեալ կտակագրին մէկ օրինակը կ'ըստա-
նայ յապահովութիւն :

9. Մէկը կրնայ դրամ յանձնել ազգային հաստա-
տութեան մը , և անոր տոկոսի արդիւնքը ստանալ ցվախ-
ճան իւր՝ նոյն հաստատութեանէն . յետ մահուան նոյն
դրամին տոկոսը ամբողջ կամ կէսը նոյն հաստատութեան
մնալու պայմանաւ . և եթէ միւս կէսը ուրիշ հաստա-
տութեան կամ անձի կտակած է , պարտական է կտա-
կընկալ հաստատութիւնը նոյն կէսը վճարել ըստ պայ-
մանաց կտակին . որուն մէջ յայտնի գրուած պիտի ըլ-
լայ թէ անձի մը եղած կտակը նոյն անձին մահուամբը
պիտի վերջանայ , թէ ժառանգորդաց ալ պիտի վճարուի :

10. Մէկը տուն կամ այլ անշարժ ստացուածք կտակելով ազգային հաստատութեան մը, անոնց մէջ կրնայ բնակիլ կամ անոնց վարձքն առնուլ. և կտակընկալ հաստատութիւնը բնաւ որ և է միջամտութիւն պիտի չընէ, մինչեւ ցմահ կտակարարին. և ապա ըստ կտակին պիտի վարուի :

11. Ազգային Վարչութիւնը պարտական է որ և է անձն, թէ՛ եկեղեցական և թէ՛ աշխարհական, որ զուրիշը կը յորդորէ կտակ ընելու բարերարութեանը, զնա ըստ արժանւոյն վարձատրել տալ կտակընկալ հաստատութեան՝ միանգամ ընդ միշտ :

12. Կտակ յետ մահուն հաստատուն լինելով, կտակարար մը բանի որ կենդանի է, կարող է կտակը փոխել, աւելցնել կամ պակսեցնել. և կամ բողոքովին եղծել, եթէ այսպէս կանխաւ պայմանադրած է կտակագրին մէջ :

Հետեւաբար կտակարար մը որ իր կտակը փոխել կամ եղծել կ'ուզէ, պարտական է կտակընկալ հաստատութեան հատուցանել եղած բոլոր ծախքերը, որ մինչև կտակին փոխուելու կամ եղծելու օրը եղած են : Այս ծախուց մէջ են Ֆէրադի, Ինթիքալի, վարձատրութեան, երթեւեկութեան, արձանագրութեան և այլ ամենայն ծախք, որ նոյն կտակին առթիւ տեղի ունեցած են :

Բողոքովին եղծելու միջոցին 10 առ 0/0 կտակընկալ հաստատութեան հատուցանելու պարտական է :

Եւ եթէ կտակարար մը կտակընկալ հաստատութեանն որ և է գումար մը առած է ըստ պայմանի կտակագրին

իւրոյ, կտակը եղծած ժամանակ պարտական է նոյն գումարը օրինաւոր տոկոսովը վճարել :

13. Կտակարար մը որ ըստ պայմանի կտակագրին իւրոյ երբ իր կտակն եղծելու կամ փոխելու ինքնին տնօրէնութիւն ընէ՝ առանց Ազգային Վարչութեան հաւանութեանը, այդ տնօրինութիւնն անվաւեր և անընդունելի է :

Ըստ այսմ կտակարարի մը մահունէն ետքը, եթէ անոր ստորագրութեամբը նոր տնօրէնութեան գիր մը երեւան դայ. կամ կտակն եղծելու կամ փոփոխելու մասին մէկ գրութիւնը տեսնուի, որուն վրայօք Ազգային Վարչութիւնը տեղեկութիւն չունի, անվաւեր և անընդունելի է :

14. Կտակարար մը եթէ դժբաղդութեան հանդիպի, կտակընկալ հաստատութեան կողմէն պէտք է որ խնամուի ըստ կարելւոյն, Ազգային Վարչութեան ուրոշմամբը :

15. Կտակարարի մը մահունէն յետոյ, անոր կտակը ճշդիւ պիտի գործադրուի. և այս գործադրութեան մասին Ազգային Վարչութիւնը պարտական է ամէն տարի, որոշեալ ժամանակ, տեղեկութիւն հրատարակել, կամ եկեղեցւոյ մէջ ծանուցանել տալ ժողովրդեան :

16. Կտակագիր մը եթէ եղած կտակին ինչ բանի համար գործածուելիքը չի պարունակէր, Ազգային Վարչութեան կը վերաբերի այդ տնօրէնութիւնը. զոր լրա-

գրաց միջոցաւ եւս կը հրատարակէ , եթէ կտակարարին կամայը հակառակ չէ :

17. Եթէ գրամական կտակի մը համար կտակարարը տնօրէնութիւն մը չէ ըրած, Ազգային Վարչութիւնը ըստ առաջարկութեան կտակընկալ հաստատութեան կը տընօրինէ , կամ անշարժ ստացուածք մը գնել , կամ գրամ մը հաստատուն Գրամատան (պանքայ) մը յանձնել , և այլն :

18. Կտակի մը գործադրութեան մասին որ և է զանազանութիւն աններելի է . և բաց ՚ի կտակակատարէն՝ եթէ կարգեալ է , ամեն հայ իբրեւ կտակակատար՝ իրաւունք ունի բողոքելու առ որ անկ է , և կտակին ճշդիւ գործադրութիւնը պահանջելու :

19. Եթէ կտակի մը գործադրութեան մէջ որ և է գիտարութիւնք երեւան գան , Ազգային Վարչութիւնը պիտի բննէ , և հրատարակութեամբ պիտի ծանուցանէ այն գիտարութիւնները , որպէս զի որ և է փոփոխութիւն կարելի ըլլայ արդարանալ հասարակաց դատաստանին և խզին առջեւ իսկ :

20. Ճշդիւ պիտի գործադրուի նաեւ այն կտակագիրը , որ իր մէջ ազգային հաստատութեան վերաբերեալ կտակէ զատ , ընտանեաց կամ այս ու այն անձի և տեղւոյ սեփական կտակ կը պարունակէ . որ և կանխաւ փուերացեալ է Ազգային Վարչութեանէն :

21. Ամեն եկեղեցի տարւոյն մէջ յատուկ օր մը պիտի ունենայ , յորում նոյն եկեղեցւոյ Քարոզիչը և կամ

Քարոզիչ չեղած ատենը՝ Աւագերէցը Ս. Պատարագ պիտի մատուցանէ , և նոյն եկեղեցւոյ և անոր շրջանակին մէջ գտնուող ազգային հաստատութեանց և այլոց եղած բոլոր կտակները և կտակարարները յականէ յանուանէ պիտի յիշատակէ օրհնութեամբ , և հանգստեան յատուկ պաշտօն պիտի կատարուի :


Բոլոր կտակընկալք պարտական են մասնակցիլ այն հանդիսաւոր արարողութեան ծախուց , և բաժին հանել եկեղեցական դասուն և այլ պաշտօնէից :


Այս ընդհանուր յիշատակութեան մէջ պիտի գըտնուին նաեւ անխտիր այն կտակները , որոնք տարւոյն մէջ իրենց սահմանեալ յատուկ յիշատակութեան օրունին ըստ կամաց կտակարարի :

22. Ամեն եկեղեցւոյ Խորհրդարանին մէջ , կամ ուրիշ յարմար տեղ մը , նոյն եկեղեցւոյ և անոր շրջանակին մէջ գտնուող ազգային հաստատութեանց և այլոց եղած կտակներուն բնագիր օրինակները , կամ անոնց համառօտ պարունակութիւնը և կտակարար բարերարաց անուններն ընդհանուր ցանկի վրայ առած ի տես պիտի դրուին ժողովրդեան :


Կտակարար մը եթէ չի կամի իր կտակագիրն ի տես ժողովրդեան գնել , ըստ այնմ պիտի գործադրուի , քանի որ ինք կենդանի է . և յետ մահուան դարձեալ ի տես պիտի դրուի :







14381



1873

Գին 2 գուրուշ
Սեպհականու թիւն Աեգր. սնտու կին

2013

«Ազգային գրադարան»

NL0047557

